

Kosmo
27/2/16

Ditemui menangis tanpa seurat benang, badan sudah dikerumi semut

Bayi ditinggal belakang masjid

Oleh NUR AISHAH AMIN

PETALING JAYA – Seorang bayi perempuan baru lahir ditemui tanpa seurat benang dan menan-gis kesejukan di tepi longkang dekat belakang Masjid Darul Ehsan, Jalan SS15-2A Subang Jaya dekat sini pagi semalam.

Ketika ditemui pada pukul 7.20 pagi oleh seorang pencuci bangunan sebuah kolej swasta warga Indonesia bayi malang itu sudah dikerumuni semut.

Ketua Polis Daerah Subang Jaya, Senior Asisten Komisioner Yahaya Ramli berkata, pihak polis menerima pang-gilan daripada seorang lelaki yang me-maklumkan penemuan bayi tersebut.

Bertindak atas maklumat itu, sepas-ukan anggota polis bergegas ke lokasi kejadian dan mendapati terdapat se-orang bayi dipercayai baru dilahirkan

ditinggalkan di tepi jalan belakang ka-wasan masjid.

Menurutnya, tukang cuci berusia 41 tahun memaklumkan terdengar tang-isan bayi dan cuba mencari arah bunyi sebelum menemui mangsa.

Hasil siasatan awal, bayi seberat 1.78 kilogram ditemui dengan sehelai kain sarung berkemungkinan dilahirkan tidak cukup bulan.

“Terdapat kesan luka dan calar pada kaki kirinya dipercayai terkena batu, ketika ditemui bayi tersebut dalam keadaan sejuk dan menggigil.

“Mangsa sudah dibawa ke Pusat Perubatan Universiti Malaya (PPUM) untuk rawatan lanjut dan dilaporkan dalam keadaan stabil,” katanya di sini semalam.

Menurutnya, pihak Jabatan Kebajik-an Masyarakat (JKM) sudah dihubungi untuk tindakan lanjut.



BAYI malang ini ditinggalkan tepi longkang belakang Masjid Darul Ehsan, Jalan SS15-2A, Subang Jaya semalam.